

Resúmen di kambionan na e Lei di Revishon WolBES-FinBES

Lei entidatnan públiko BES (WolBES) i Lei finansa entidatnan públiko BES (FinBES) ta bai tokante gobernashon di Boneiru, Sint Eustatius i Saba. Nan ta hasi posibel ku gobièrnu insular por hasi kos bon pa e isla i habitantenan. E leinan akí al respekto ta duna kuadronan ku ta yuda garantisá bon gobernashon i finansa gubernamental sólido. Esaki ta enserá tambe bon mekanismonan di kontròl, manera kontròl di parti di konseho insular, un kontrolaria lokal i e Representante di Reino. Ku e proposishon di lei akí ta modernisá i mehorá WolBES i FinBES.

Esaki ta e di dos konsulta di internèt pa e Lei di Revishon WolBES-FinBES. Por haña e promé via e wèpsait www.internetconsultatie.nl/wolbesfinbes. Despues a hasiambio den e proposishon di lei. E funshon di Representante di Reino ta keda, pero ta organis'é diferente. Den e proposishon a inkluí tambe e elaborashon di un kantidat di palabrashon ku e gobièrnunan insular for di e promé konsulta. Pa medio di e di dos konsulta akí ta posibel tambe pa reakshoná riba e kambionan akí.

Kambionan pa mantené Representante di Reino

Den e promé version di e Lei di Revishon WolBES-FinBES a eliminá e funshon di Representante di Reino. Awor ta mantené e funshon. Pa esaki tin diferente motibu. Bon mirá e motibunan ku a mensioná na 2010 pa introdukshon di e Representante di Reino ta konta ainda, manera e distansia geográfiko i diferensianan kultural. Ta bin aserka ku pa supervishon intergubernamental di gobièrnu insular ta nesario pa tin un atministradó riba e islanan. No por tene bon supervishon for di Den Haag.

E funshon di Representante di Reino ta kambia si. E Representante di Reino ta bai enfoká mas eksplísito riba kontribuí na bon gobernashon i tene supervishon intergubernamental. E Representante di Reino ta haña mas outoridat pa kolektá informashon i ta haña un ròl mas fuerte den supervishon intergubernamental. Ta redusí e ròl di representashon di e Representante di Reino.

Un otroambio ta ku ta inkorporá e Representante di Reino mihó den e region karibense. Esaki ta keda ekspresá entre otro pa medio di formulashon di un plan anual i un relato anual, di manera ku ta introdusí un tipo di responsabilisashon públiko.

Kambionan relashoná ku palabrashonnan ku gobièrnunan insular durante e promé konsulta

A kambia un kantidat di stipulashon pa regla mas mihó kon Gobièrnu Sentral ta embolbí Boneiru, Sint Eustatius i Saba den proposishonnan ku ta afektá nan. Den WolBES ta splika mas kla ku ta kolegio ehekutivo ta determiná si tin un instansia ku por represent'é na konsultanan. Ademas ta regla ku Boneiru, Sint Eustatius i Saba semper por duna un opinion riba intenshonnan di maneho di Gobièrnu Sentral, ku ta kondusí na kambionan drástiko riba e islanan. Den e lei ta stipulá tambe ku tin un konsulta periódiko entre Gobièrnu Sentral i e islanan tokante maneho di Gobièrnu Sentral.

Pa duna Boneiru, Sint Eustatius i Saba mas posibilidat pa ehekutá nan tareanan adekuadamente, ta proponé pa amplia e posibilidatnan pa hasi fianza. Meskos ku munisipionan, Boneiru, Sint Eustatius i Saba por bai hasi fianza serka bankonan. Esei por solamente pa ehekushon di un tarea insular, por ehèmpel pa konstrukshon di bibienda sosial, drecha kareteranan, mihó suministro di energia, òf un edifisio di skol nobo. Ta pone kondishonnan pa fianza. Tambe lo tin supervishon riba fianza di parti di e islanan. Di e manera akí ta limitá riesgonan finansiero. E forma ku ta manehá e plaka di Boneiru, Sint Eustatius i Saba, ta bai parse mas similar tambe na e manera kon esaki ta reglá pa munisipionan.

Por lo demas

Ku e Lei di Revishon WoIBES-FinBES, kaminda ta posibel, ta remplasá e ekspreshon 'entidatnan públiko' pa 'Boneiru, Sint Eustatius i Saba'. Ademas a introdusí un kantidat di kambio mas tékniko, manera regla kon ta stipulá e kantidat di habitante.